


БОЙСУНГА ТОЗА ИЧИМЛИК СУВИ КЕЛДИ!



Ўзбекистон Республикаси Президентини Ш.М. Мирзиёев ўзининг 2017 йилнинг 10–11 февраль кунлари Сурхондарёга қилган ташрифи чоғида узоқ йиллардан буён ичимлик сув таъминоти оғир бўлган Бойсун туман аҳолисини тоза ичимлик суви билан таъминлаш бўйича топшириқ берган эди. Мутахассислар томонидан ўтказилган изланишлар натижасида Бойсун туманини тоза ичимлик суви билан таъминлашни “Хўжамайхона” булоғидан амалга оширишга тўхтам қилинди. Лойиҳа билан шахсан танишган Давлат раҳбари бу ишни пайсалга солмасдан, қисқа муддатларда ниҳоясига етказиш юзасидан тегишли топшириқлар берди.



“Хўжамайхона” булоғи Бойсун тоғларида, денгиз сатҳидан 2 000 м баландликда жойлашган. Тоза ичимлик сув захираси, дастлабки маълумотларга кўра, бир кеча-кундузда 41 минг м³ ташкил этади. Сувнинг минераллашуви 0,4–0,6 гр/л ни ташкил этиб, давлат стандартига мос келади. Уй-жой коммунал хизмат кўрсатиш вазирлиги ҳамда “Ўзбеккоммуналлойиҳақурилиш” ДУКнинг етакчи мутахассислари томонидан булоқ сувидан олинган натижалар ва тоғ

шароити ўрганиб чиқилгач, ишга киришилди. Лойиҳани амалга ошириш учун марказлашган манбалар ҳисобидан ажратилган 58 млрд. сўм миқдорида маблағ ўзлаштирилди. Иншоот таркибида узунлиги 38 км айланаси 530 мм бўлган катта босим ўтказувчи сув қувурлари, сувни 160 м баландликка кўтариб бериш қувватига эга насос станцияси ва бошқа ёрдамчи қурилмалар мавжуд.

Ана шундай катта миқёсдаги қурилиш-лойиҳалаш ишлари қаторида “Газа” сув тақсимлаш иншооти ҳам тўла реконструкция қилинди. Натижада Бойсун туманида яна қўшимча 2 мингдан ортиқ аҳоли ушбу тизимга уланди ва бу ишлар давом этмоқда. Ҳозирги кунда “Газа” сув тақсимлаш иншоотига олиб келинган обиҳаётни туман маркази атрофида жойлашган 14 та қишлоқ аҳоли пунктларига етказиб бериш бўйича ишлар ниҳоясига етмоқда. Маҳаллий бюджетдан ажратилаётган маблағлардан қишлоқ аҳоли пунктларини тоза ичимлик суви билан таъминлаш мақсадида 22,8 км масофада турли катталиқдаги полиэтилен қувурлар келтирилиб, Инқобод, Даштиғоз, Пулиҳоким ва Ўртабўз маҳаллаларида истиқомат қилаётган 9 мингдан ортиқ аҳолига ичимлик суви етказиб бериш учун қурилиш-монтаж ишлари олиб борилмоқда.

2019 йилда ушбу бажарилган ишларнинг узвий давоми сифатида Бойсун туманидаги Робот, Наврўз, Бибиширин, Оқжар, Питов, Кофурун, Чорбоғ, Паданг, Пудина ва Сарикамиш қишлоқларида истиқомат қилувчи жами 13 943 аҳолининг ёки 2 788 та хонадоннинг уйига тоза ичимлик суви киритилади.





буюртмачи вазифасини бажарётган вазирликнинг “Сув таъминоти ва канализация объектлари қурилиши бўйича инжиниринг компанияси” ДУК томонидан лойиҳа доирасида бажарилаётган ишлар ўз вақтида молиялаштирилиб борилмоқда. Қурилиш-монтаж ишларининг сифати ва топширилиш муддатлари устидан қатъий назорат ўрнатилган.

Бойсунда ичимлик суви муаммоси кўп йиллардан буюн оғир муаммо бўлиб келар эди. Президентимизнинг ташаббуси ва қурувчиларимизнинг саъй-ҳаракатлари билан Хўжамайхона булоғининг тоза суви бойсунликлар хонадонига кириб келди.

Шундай қилиб Бойсун тумани марказида яшовчи 70 мингдан зиёд аҳоли тоза ичимлик суви билан таъминланди.

Ҳа, сув масаласи қадимдан ҳаёт-мамонт масаласи бўлиб келган. Шу боис ҳам сувни обиҳаёт, деб аташгани бежиз эмас. Бу муаммони ечиш ҳар бир замонда ҳам оддий халқ манфаатларидан келиб чиқиб ҳал этилавермаган. Шу боис ҳам ота-боболаримиз “Сув келтирган хор, кўза синдирган азиз” қабилидаги мақолларни айтишган. Энди замонлар ўзгарди. Сув келтирган азиз, дейиш пайти келди ва республикада аҳолини тоза ичимлик суви билан таъминлаш борасида олиб борилаётган кенг кўламли ишлар шундай бўлишини тасдиқламоқда.

Эътиборли томони шундаки, Бойсун каби тоғ ҳудудларида ичимлик суви иншооти ва қувурлари ётқизиш сувчиларимиз тажрибасида биринчи марта амалга оширилди. Сурхондарё вилоятида мазкур лойиҳадан ташқари яна 32 та лойиҳа амалга оширилмоқда. 2018 йил инвестицион дастурига асосан бу ишларга 30,4 млрд. сўмдан ортиқ маблағ ажратилган. Бу ҳали ҳаммаси эмас, давлатимиз раҳбарининг вилоятга ташрифи чоғида берилган топшириқларга кўра, сув таъминоти бўйича 44,5 млрд. сўмлик яна 9 та лойиҳа ишга туширилиши лозим.

Уй-жой коммунал хизмат кўрсатиш вазирлиги томонидан барча лойиҳалар бўйича лойиҳа-смета ҳужжатлари ишлаб чиқилган ва ўрнатилган тартибда экспертизадан ўтказилган. Амалдаги лойиҳаларда

Алипаша АҲМЕДОВ,

**Уй-жой коммунал хизмат кўрсатиш вазирлиги,
Матбуот хизмати бошлиғи**

